

EAJ eta PSE-EEren arteko
negoiazioen haustura

«EAJk aurrez zituen konpromisoek eragotzi dute gobernu osatzea», dio Redondok

PSE-EEK zalantzan jarri du Ibarretxek negoziatzeko askatasuna izan ote duen

Juan Jose Ibarretxek PSE-EEekin akordioak iristeko borondatea izan duen arren EAJko burukide «oso garrantzitsuek» hauteskunderen aurretik gobernu nazionalistaren aldeko apustua egin zutela esan du Nicolas Redondok, eta horri egotzi dio negoziazioen apurketari. Redondok berretsi du ez dituela ez Lizarrako Akordioa ez euskal erabakigunea onartzen, ezta onartuko ere.

Iñaki Uriarte / Bilbo

JUAN JOSE IBARRETXE eta Nicolas Redondoren bilera aldeaz aurretik iragarrita zegoen apurketa baterako azken atala izan zen. Arratsaldean, PSE-EEko idazkari nagusiak nazionalisten eta ez-nazionalisten arteko akordioa aukerarik «onena» eta «beharrezkoa» dela esan arren adostasunik eza plazaratu zuen ofizialki.

Ibarretxek akordioetara heltzeko «jarrera eta borondate ona» zeukala adierazi eta gero, Redondok Arzalluzi eta zehaztu ez zituen «garrantzi handiko burukide batzuei» egotzi zien akordioarik ez lortzearen errua. «Nazionalismo moderatuak konpromisoak zituen nazionalismo erradikalarekin; konpromiso tinko eta estuak, eta ez dute hortik atera nahi izan», gaineratu zuen.

Redondoren ustez, Jose Maria Benegas buru zuen ordezkari-tzak ahalegin berezia egin zuen jeltzaleengana hurbiltzeko, «baina EAJk ez zuen bide bera egin kontrako norabidean, distantzia bera ibiliz gero akordiora eramanez gintzakeen bidean». PSE-EEren esanetan, apurketa «haien erantzukizuna da, ez gurea».

Arzalluzek PSE-EEren Madril-eko menpekotasunaz egin zituen aipamenak direla eta, Redondok dei egin zion Arzalluzi PSE-EEz, beraz eta PSOEz hitz egiten duenean «edukazioz» joka dezan. «Galdetu beharko litzateke Arzalluzi Ibarretxe jaunari askatasun osoa utzi dion nirekin hitz egiteko», gaineratu zuen.

«Ez gaude eta ez gara egongo Lizarrako banderapean» • Redondoren hitzetan, PSE-EEK ezin onar dezake euskal erabakigune-
a, zeinek, PSOE ez ezik, Estatuaren gainontzeko erakundeak ere inplikatzeko dituen. «Guk ezin dugu egin, ez abalatu; inork ahal badu egin, egin beza, baina ez dut uste burua sano duen inork egin ahal izango duenik, umeke-ria baita». Redondok berretsi zuen Konstituzioaren eta Estatu-tuaren arauak betebeharrekoak direla. «Sekula ez gara egon, ez gaude eta ez gara egongo Lizarrako akordioaren banderapean», ohartu zuen. «Guk esan diegu



Nicolas Redondo Terreros PSE-EEko idazkari nagusia, atzo arratsaldeko prentsaurrekoan.

MIKEL MARTINEZ

nea, zeinek, PSOE ez ezik, Estatuaren gainontzeko erakundeak ere inplikatzeko dituen. «Guk ezin dugu egin, ez abalatu; inork ahal badu egin, egin beza, baina ez dut uste burua sano duen inork egin ahal izango duenik, umeke-ria baita». Redondok berretsi zuen Konstituzioaren eta Estatu-tuaren arauak betebeharrekoak direla. «Sekula ez gara egon, ez gaude eta ez gara egongo Lizarrako akordioaren banderapean», ohartu zuen. «Guk esan diegu

nazionalistek ezin genezakeela estatuaren borondate ezberdinak baldintzatzen duen ezer sinatu». «Nola baldintza dezakegu guk Auzitegi Konstituzionala? Nola baldintza dezakegu guk Botere Judizialaren Kontseilua? Nola baldintza dezakegu guk Diputatu-aren Kongresua?» galdetu zuen PSE-EEren burukideak. Redondoren iritziz euskal erabakiguneak eta Espainiakoak elkar bizi behar dute.

Euskal gizartean dagoen aniz-

tasuna defendituko dutela iragarri ostean, «euskal nazionalismoaren inolako ezarpenik ez dutela onartuko» nabarmendu zuen.

Bestalde, Redondok iragarri zuen PSE-EE oposizio leiala izango dela eta bakegintzan Gobernuaren dagoenarekin akordioetara heldu nahi duela. Redondok esan zuen nazionalistek ezezik «nazionalista izan gabe arzalluzen aita bezain euskaldun direnek» ere egin beharko dutela bakerako ahalegina.

EA: «PPk eta PSOEek lehengora itzuli nahi dutela dirudi, etekinak lortzen zituztelako»

■ PSOERI bake prozesuaren oztopatzaile izatea egotzi dio Herri Batasunak

Erredakzioa / Donostia

EAJ-REN eta PSE-EEren arteko negoziazioen apurketa ofiziala egin orduko hasi ziren kaleratzen erreakzioak. Carlos Garaikoetxea EAJko presidentek gogor hitz egin zuen PSOEren eta PPren kontra. Alderdi horiek Jaur-laritzaren abertzalea ez litzatekeela demokratikoa izango esatea onartezina jo zuen.

Bere ustez Jaur-laritzaren lehentasuna bake prozesua sen-

dotzea da, eta ildo horretan PPren eta PSOEren benetako interesa zein den zalantzan jarri zuen. «Etapari politiko berria eta bake prozesua abiatu direlako ez daudela eroso dirudi. Batzuk lehengora itzuli nahi dutela dirudi, garai mingarriagoak izan arren etekin politikoak ekartzen zizkielako».

HBk ere PSOE kritikatu zuen atzo ohar baten bitartez, Jaur-laritzaren osaketan zein bake prozesuan erakutsi duten jarrera

itxia salatuz. HBren ustez, PSOE ez du onartu nahi izan erabakitze euskal esparrua, eta EAJk horrekin «txantajea» egin diela sinistatzen nahi izan diote gizarte osoari. Hala, sozialistek bake prozesuaren oztopatzaile izatea egotzi die, egin daitezkeen aurrera pauso guztiei trabak jarri dizkielako.

HBk, baina, argi utzi zuen Jaur-laritzaren berria izango dela ireki den bake prozesuaren giltzarria. X

PSE-EEren autonomia zalantzan jarri du Arzalluzek

■ EAJ kritikatzeko «doberman guztiak» atera izana gaitzetsi du

Iñaki Uriarte / Bilbo

JUAN JOSE IBARRETXE eta Nicolas Redondoren bilera amaitu gabe zegoela ere, Xabier Arzalluzek zalantzan jarri zuen PSE-EEren ahalmena bakegintzan akordioetara heltzeko. «Nik aspalditik daukat sartuta ez dela posible jende horrekin egitea lan. Behintzat gu bagoaz Ardanzen proiektuarekin, eta Lizarra berdina da, honelako bake bide batean, nik garbi daukat hauekin Madril-ekin hitz egin behar dutela». Burukide jeltzalearen aburuz «Madrilen beste galaxia batean bizi dira, Madrilen dago PSOE-PP, eta hori beste mundu bat da datozen hauteskunderen begira. Hau da kaka haien zatia».

EGUNKARIARI eskaini elkar-riketari zabal baten testu-
guran, burukide jeltzaleak zalantzan jarri zuen PSOE-
interesa ote duen konponbi-
dea bilatzeko. «PSOE-
Felipe Gonzalez obsesionatuta dago Aznarrekin, Guadala-jararekin eta abar. Guk pentsatzen du-gure kontuekin dabil-tzala, baina ez da hala». Burukide jeltzalea kexu agertu zen PSE-EEK EAJren dokumentua fil-tratu «eta gero asteburuan doberman guztiak» atera zituzte-lako kritikatzera. X

Mayor: «Politikoki ordainduko dute abertzaleek erradikalizazioa»

Agentziak / Brusela

«LASAI egon gaitzeko, erratu-ko direnak nazionalistak bai-tira, eta horiek politikoki or-daindu dituzte erradikaliza-zioaren ondorioak», esan zuen atzo Mayor Orejak, EAJ eta EARI buruz. Espainiako Jaur-laritzaren osaketari buruz, berriz, Barne ministroak esan zuenez, «Lizarraren inguruan EAJ, EA, HB eta ETaren artean hitzartutako akordioak daude, eta egunero garbiago ikusten dira».

Mayorren arabera, Gobernu abertzaleak ondorioak izango ditu: «Euskal Herrian gero eta banaketa handiago izango da, etorkizunerako proiektu komun bat defendatzen dugunon eta ez dutenen artean». Esan zuenez, nazionalistak erradikalizatu diren arren, euren ez dute errakun-tza bera egingo. X

«Suetena Belfasten» liburuarekin Irlandako gatazkara hurbildu gintuen Imanol Murua Uriak. Orain Palestinatik iritsi da, Intifada osteko girotik. Eta han ez da ez gerra ez bake, zauria baizik.

PALESTINA ZAURITUA

ESUSA
narratza